

東游詩州

博謙自署

東游稿

氏伯威王長社副

氏謙博王長社



日知報

The Daily Jichih

Printed and Published for the Proprietor

at No. 15, Boulevard des Capucines

Paris

號八十五百五千一第

號八十五百五千一第

交通銀行廣告
本行辦理各項銀行業務，如存款、放款、匯兌、貼現等，均極妥速。如有需要，請向本行洽詢。

中國銀行經募民國七年公債廣告
本行承辦經募民國七年公債，現已開始發售。歡迎各界人士踴躍認購。

華商銀行廣告
本行辦理各項銀行業務，如存款、放款、匯兌、貼現等，均極妥速。如有需要，請向本行洽詢。

東德公司廣告

北京日報附刊日本電報

萬國儲蓄會
本會辦理各項儲蓄業務，如零存整付、整存整付等，均極妥速。歡迎各界人士踴躍參加。

身軀快活
本藥能治各種疾病，如感冒、咳嗽、發燒等，均極有效。如有需要，請向本藥房洽詢。

華商銀行廣告
本行辦理各項銀行業務，如存款、放款、匯兌、貼現等，均極妥速。如有需要，請向本行洽詢。

華商銀行廣告
本行辦理各項銀行業務，如存款、放款、匯兌、貼現等，均極妥速。如有需要，請向本行洽詢。

華商銀行廣告
本行辦理各項銀行業務，如存款、放款、匯兌、貼現等，均極妥速。如有需要，請向本行洽詢。

報知日京北刊日

拜啓
 御贈呈詩額二座今朝大
 注差出使處頗感歡
 喜悅狀一泚厚情對
 軍御禮中上之禮
 事一育之人西額承
 工廠及後樂園記念
 為後樂園內溥德亭
 揭之事定一德先一依
 今御禮中述度如此
 御座候 敬具

四月二十六日
 陸軍大臣曹錕一書治重
 北京報界視察團
 各位叩

陸軍大臣曹錕一書治重

函謝氏謙博王致臣大軍陸本日

44369

電氣博覽會會長子爵末松謙澄氏題
 於此
 松葉子
 白
 陽
 心
 之
 意
 也

謙澄



電氣博覽會會長子爵末松謙澄氏題

序

余本不能詩比年以來抗塵走俗更不知詩爲何物適北京新聞界有赴日視察團之組合余以日知社長隨諸君子後橐筆東遊歷攬山水之勝櫻花之艷與此邦賢士大夫相晉接酬酢旣多歌詠間作旅行之際筵席之間多係口占不遑思索詞近俚俗語多疵累貽譏通人知所不免然雪泥鴻爪聊志前塵因彙而存之工拙非所計焉戊午暮春三鳳詞人王博謙自序

東游詩草

杭縣王博謙稿

謁熱田神宮

來此謁神宮宮門夾道松穆然遺劍在想見古英雄

遊後樂園

後樂園爲前明朱舜水先生遺築今歸砲兵工廠
名園深鎖等閑不許入觀余以參觀到此幸得一
遊山水蕭疏頗多古趣亭台位置猶有華風因賦
詩以紀之

蓬萊島上風光好後樂園中主客歡石徑通幽橋約畧
寒流瀨玉水潺湲雲拖雨後三分濕樹補天邊一角山



楓葉櫻花相間發天然畫稿不須刪

亞字紅門舊日廊行行又到得仁堂(中有夷齊遺像)室
名八卦繙周易(園中有八卦堂)門敞雙扉紀李唐(園門
名曰唐門)最喜名園多古意翻疑此地是家鄉凡夫竟
許窺仙境多謝將軍情誼長

參觀砲兵工廠呈陸軍大臣(代視察團全體作)

未諳軍旅愧書生滿目森羅盡甲兵紫電騰蛟驚武庫
綠楊繫馬識春營相逢裨佐皆名將深感元戎重客情
聞說將軍好儒雅輕裘緩帶詠昇平

東京市淨水場

紅香不斷見櫻花古樹青蒼石徑斜最是淨池功德水
澤流市上萬人家

宮島二首

樹根穿石榭榭出嵐氣參天縹渺間兩面青山中一水
飛鳴我羨白鷗閑

嶺表蒸雲成翡翠樹梢留雨滴珍珠山容海色都疑洗
新霽風光畫不如

保津川舟中作

羣嶺廻環青作壁明猗絕底綠無苔輕舟破浪花噴雪
如過瞿塘灩澦堆

登鶴舞公園聞天閣

名園鶴競舞嘉客鳳來儀境占中心點輝揚兩國旂物
華天寶日人傑地靈時紅袖當筵舞殷勤勸酒卮
高閣凌霄迥聲聞上九天山光迎檻外樹色送簾前游
屨來三月明窗敞四邊好風動衣袂羽化擬登仙

登橫濱棧橋高樓

匝地如虹起長橋與海平波濤窮日夜商賈聚蓬瀛百
尺危樓俯千尋鐵鎖橫天風蒼莽處衣袂覺寒生

川崎別邸觀牡丹

昔日曾聞謫洛陽幾時移種到扶桑千紅萬紫都無色

壓倒人間桃李香

主人風雅冠東瀛萬本搜羅選擇精築就名園和露種
花田十畝價連城

題大倉集古閣

佳構依山色奇珍發古香登樓一眺望滿目盡琳瑯
寶閣莊嚴地金剛歷劫身諸天時照見信仰拜能仁

參觀電氣博覽會

當代開新學名園拓會場巧思侔造化精理析微芒金
碧三千界玫瑰七寶裝民生崇實用莫但玩風光

呈大隈侯爵

解組歸田後蕭然晝閉扃林泉五供養世界一明星喬
木陰逾茂空山德自馨大雲何日出霖雨徧生靈

呈犬養毅先生

道貌仰崇隆先生世所宗主璋無上品泰岱最高峯婦
孺知司馬才華識臥龍執鞭酬素願幸得侍仙筇

呈小田切先生

聲名鼎鼎滿中華文采風流衆所誇飲我蒲萄一杯酒
高情直比五雲賒

贈東京商業會議所諸公

廿世紀爲商世界雄飛突進羨東鄰今朝幸與羣公遇

始信人間有鳳麟

春秋會招飲賦詩答謝

春秋會新聞界所組合也

高山崇仰止問道向扶桑
賓主東南美文章日月光
德星千里聚旨酒十年香
共濟中流楫同舟慎莫忘

懇和會招飲於紅葉館即席賦謝

懇和會實業家所組合也

善意兩相親歡顏洽主賓
櫻花三月暮杯酒一家春
勝地題紅葉游踪聚綠蘋
如雲情誼厚珍重謝東隣

大倉男爵招飲於藏春閣賦謝

開窗面湖水湖水濃於酒如在畫圖中名流一握手
春光如作客鶯燕送歸程殷勤留客住深感主人情

東亞同文會招飲賦詩奉呈

一室太和春歡然孰主賓相傾肝與胆應念齒依唇談
笑言無擇馨香德有隣歡君一樽酒東亞祝交親

衆議院招飲賦謝並留別

春暮人歸去驪歌第幾聲條條江戶柳縮不住離情
聞道諸君子臨存六月中燕山如有意含笑待群公(衆
議院諸公將於六月中組合團體來遊北京)

神戶商業會議所招飲賦謝並留別村田會頭

主人情重客行遲
繚繞羣花進酒卮
明日又從宮島去
神山縹緲寄相思

岩崎男爵招遊深川別邸因事未獲赴同人歸
爲道園林之勝兼承遙寄銀合一事詩以志謝

聞道園林好山重
水亦重諸峯列屏幃
海氣上簾櫳
楓樹籠煙密櫻花
殢雨濃奇珍遙見贈
高誼比雲崇

雨中赴三井男爵之招即事賦詩

只爲主人眞愛客
不辭冒雨赴華筵
閑堦微浸桃花水
遠樹輕籠揚柳煙
無限勾留芳艸地
最宜情話暮春天
歸裝料量明朝發
惆悵驅歌十五弦

電氣博覽會餞別賦詩呈末松子爵

戀戀去東瀛櫻花送我行句留剛十日交誼訂三生
驛路愁攀柳離筵怕聽箏桃潭千尺水不及主人情

詠華文打字機

結繩造字在鴻蒙欲與羲皇競大功無限淒惶管城子
從今捐棄向西風

贈三越吳服店

猗歟雲漢倬爲章欲與天孫競七襄自是經綸可華國
居然衣被遍扶桑

贈東京電氣株式會社

日新月異歲不同天地爲鑪萬物銅放大光明成世界
生民利賴永無窮

贈鐘淵紡績株式會社

黼黻河山長煥采昭回天地盡成文扶桑獨占經綸美
軋軋機聲日夜聞

贈鶴見旭硝子廠

脆質裁冰薄精紋鏤玉工周覽一瀏覽疑是水晶宮

神戶中華商會招飲奉和會長鄭祝三先生

原韻

難忘美景與良辰惆悵櫻花三月春羈旅天涯同作客

遭逢海外倍相親吟成新什詩潮湧獲侍清談道味津
多謝諸君情意厚開樽爲我洗車塵

贈在蓬宗兄

異地逢知己吾宗特異材鵬程九萬里穩步上蓬萊

贈內藤虎次郎博士

道貌重千古學問貫五州如入芝蘭室當今第一流

詩林社主幹結城蓄堂先生招飲於神田第

一樓席上口占長歌呈同社諸公

長風破浪來扶桑羣賢把袂樂未央左右列坐皆詩老
追蹤李杜日月光中國牡丹日本櫻同爲世界之花王

花之精神何所寄兩大國民推襟送抱在一堂况兼相
遇盡詞伯斐然文采齊飛揚東亞交親在吾輩筆陣揮
戈迴魯陽欲以一枝生花管喚醒國民聾與盲下走吟
詩無所似願爲諸君進一觴鼓吹和平成雅韻敬祝兩
國國壽永無疆

留別 蓄堂詩老

花事闌珊矣春歸人亦歸臨歧一握手不盡意淒其

題扇贈小松電氣博覽會會長兼以留別

涼飈如好友惠我太和風欲使良朋意長存懷袖中

留別櫻內幸雄青山祿郎兩先生

怕聽汽笛一聲聲紅樹青山送我行難捨良朋離別恨
黯然分手若爲情

留別柳田君

惜別太匆匆先生情最濃最當相憶處扶我過橋東

留別高橋君

海外重論交高橋情誼高今朝一回別明日玉關遙

西京觀都踊

萬紫千紅花亂舞衆香百和麝初薰錯疑天上靈歡曲
能得人間幾度聞

堆雲寶髻餐羣秀迴雪輕裙舞衆仙今夕狂生饒艷福
眼花撩亂口難言

贈西京歌者桃龍

五兩銖衣掌上輕翩然秀骨是天生香桃種得相思後
藥店飛龍最有情

贈神戶歌者小玉

駘宕春光不自持風情蓋代門芳姿東皇取次開婪尾
正是桃花正綻時

贈東京歌者吉丸

風流欲過李師師不唱楊枝唱柳枝酒半酣時花正好

新詩寫出付紅兒

再贈吉丸

薊澤微聞傍玉容相逢兩度已情濃恨無鸚鵡能言舌
一點靈犀祇暗通(余不能日本語)

三贈吉丸

報道先生歸去也牽裾惜別意徘徊明年待到櫻花發
前度劉郎我再來



中華民國七年六月一日
日本大正七年六月一日
出版

(非賣品)

著述者

王博

謙

北京東北園日知報館

出版者

王耀

堂

北京東北園日知報館

發行所

日知報館

北京東北園

178

廿五年九月廿一日

日知報館贈送